

Kontuola

ANTZUOLA / Egubakoitza / 2001eko azaroaren 16a / 90. zenbakia

KOORDINATZAILEA: Aintzane Irizar • Barrenkalea, 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

Aste bukaeran, argazki irabazleen erakusketa Udaletxeko pleno aretoan

AINTZANE IRIZAR

Argazki lehiaketako irabazleen izenak jakinarazi zituzten martitzenean. Ibai Zabalo eta Nagore Igartza izan dira irabazleak, bakoitza bere mailan. Hirugarren mailan ez dute lehen saririk eman. Asteburuan, erakusketa egingo dute argazki guztiekin.

Urriaren 11n amaitu zen argazki lehiaketara aurkezteko epea. Guztira 30 argazki aurkeztu ziren. Hiru maila egin zituzten antolatzailak: 14 urte artekoak, 15 eta 25 urte artekoak, eta 26 urtetik aurrerakoak. Antzuolako Juan Kruz argazki dendako Mari Paz Ugaldek eta Bergarako Kiñuko Juanje Amasorrainek osatu dute aurtengo epaimahaia.

Lehen mailan, gaztetxoenen mailan, Ibai Zabalo 10 urteko mutikoari eman dio lehen saria epaimahaiak, *Palmerak* lanagatik. Ibaik opari bat jasoko du Udaleko arduradunen eskutik. Bigarren saririk, berriz, ez dute eman, hutsik geratu da. Aipatzekoa da, bestalde, parte hartzaile bat lehiaketatik kanpo geratu dela hiru argazki kartoi mehe bakar batean aurkeztu dituelako, eta oinarrietan ez zelako horrelakorik onartzen.

Bigarren mailari dagokionez, 15 eta 25 urte bitarteko maila, Nagore Igartzaren *Ni ez naiz* zuri beltzezko argazkiak irabazi du lehen saria, eta 25.000 pezeta jasoko ditu. Bigarren saria, 15.000 pezeta, Maite Telleriaren *Sua*



Nagore Igartza bigarren mailako irabazlearen *Ni ez naiz* argazkia.

argazkiari eman diote. Bi sari horiez gain, aipamen berezia egin nahi izan dio epaimahaiak Alaitz Jauregik aurkeztutako *La Gualupana* argazkiari, epaimahaiakideen esanetan, "halaxe merezi zuelako".

NAGUSIEN ARTEAN, KALITATEAK BEHERA

Epaimahaiak lehen saririk ez ematea erabaki du hirugarren mailan, 26 urtetik aurrerako mailan. Beste urte batzuetan baino argazki gutxiago aurkezteaz gain, kalitateak ere nabarmen egin ei du behera, epaimahaiki-

deen iritiz. Bigarren saria, hala ere, eman dute: Iñigo Ramírez de Okarizen *Ortzadarra ilunabarrean* izeneko argazkiarendako izan da.

ERAKUSKETA ASTEBURUAN

Bihar, zapatua, goizean zabalduko dute erakusketa Udaletxeko osoko bilkuren aretoan, eta domekan ere zabalik izango da. Goizetan, 11:00etatik 14:00etara egongo da ikusgai; arratsaldetan, berriz, 19:00etatik 20:30era. Aurtengo argazki lehiaketan parte hartu duten argazki guztiak, egon-

go dira ikusgai Udaletxean, 30 argazki guztira.

SEIGARREN ALDIA

Aurtengoa Udalak argazki lehiaketa antolatzen duen seigarren aldia da. Hasiera baten, oporraldietako argazkien lehiaketa izaten zen. Izan ere, irailean egin ohi da deialdia, eta oporretatik bueltako garaia da. Duela urte batzuetatik hona, baina, gai librean izan dute parte hartzaileak. Lehiaketa honekin, herritarren artean argazkigintza bultzatzea izan da Udaleko arduradunen helburua.

LABUR

Euroari buruzko hitzaldia datorren martitzenean

Hurrengo martitzenean, azaroak 20, euroari buruzko hitzaldia egingo du Juan Ramon Zurutzak Udaletxeko osoko bilkuren aretoan, arratsaldeko 19:00etatik aurrera. Hitzaldi horretan euroak ekarriko dizkigun aldaketa guztien berri emango digu Zurutzak.

Pilota txapelketako partiduak jokatu dira bihar, zapatua

Bihar, zapatua, Olaldeko antolatuta, herriko eskuz binakako pilota partiduak jokatu dituzte. Goizez, 09:00etan hasita, bigarren mailako sei partidu jokatu dituzte. Arratsaldean, bestalde, lehen mailako bikoteen arteko bi partidu izango dira, 15:30ean hasita.

Ipuinen ikastaroa bihar, zapatua, hasiko dute

Martitzenean bukatu zen ikastaro honetan izena emateko epea. Gogora ezazue bihar, zapatua, hasiko dela ipuinak zelatik kontatu ikasteko ikastaroa. Virginia Imazek eskainiko du. Hiru zapatutan izango da: bihar, azaroaren 24an eta abenduaren 15ean.



INDUSTRI MANTENIMENDUA

Jose
Gomez
Abad

Errekalde 6, 4-B.
Antzuola
943 76 60 19
943 76 60 43
Faxa:
943 76 60 19

LARREA

TABERNA

Kalebarren 17
ANTZUOLA



Jose Luis Zabalo

Birgaitzeak • Fatxadak
Teilatuak
Sukalde eta bainu gelak

Kalegoi 9, 1a., ANTZUOLA.
Tf. 943 76 60 89

GoRoSTi

Taberna

943 76 62 96
Zurrategi plaza
ANTZUOLA

TELEFONO JAKINGARRIAK

OSASUNA/LARRIALDIK
DYA 943 78 71 57
Gurutze Gorria..... 943 76 55 76
Medikua 943 76 62 23
Praktikantea 943 76 63 80
Udaltzaingoa..... 943 76 62 46
Ertzaintza 943 76 53 40

UDALA
Udaletxea 943 76 62 46
Liburutegia 943 76 60 65

BESTELAKOAK
Idolaz 943 78 60 12
Herri ikastetxea 943 76 62 68
Jubilatuak elkartea..... 943 76 62 71
Abadetxea 943 76 64 16
Anelkar (Kontxi)..... 943 78 70 65
Taxiak:
Antonio Fernández..... 669 15 65 40
Jesus M. Fernández 607 31 85 60

MEZAK

ANTZUOLAKO PARROKIA
Lanegun eta zapatuetan: 19:30
Domeka eta jaiegunetan: 09:00, 11:30
UZARRAGAKO PARROKIA
Domeka eta jaiegunetan: 10:00

OHARRAK

ABIZENEN GRAFIA EUSKARAZ

Euskal abizenak, askotan, gaztelarazko grafiaz izaten ditugu agiri ofizialetan. Euskal grafiaz jartzeko, baina, badago aukerarik. Horretarako interesa duenak, Antzuolako erregistro zibilera jo behar du, eta honako agiriak eramán: jaiotza-ziurtagiria, errolda-ziurtagiria eta nortasun agiriaren fotokopia. Erregistro zibila udaletxean dago, eta eguenetan egoten da zabalik, goizeko 9:00etatik 14:00etara.

AKATSAK ZUZENTZEN

Joan zen asteko alean, zorion-agurrak zapatu goizetan Antzuolako liburutegian laga ditzakezuela esan genizuen. Geure oker bat izan zen, zapatu goizetan itxita egoten da-eta liburutegia. Beraz, astelehenetan izango duzue zuen zorion-agurrak liburutegian lagatzeko aukera, arratsaldeko 17:00etatik 20:00etara.

BASERRIZBASERRI/ Ugartetorre



JAURETXE EDERRA Kaletik 500 metrora dago, Lizarraga auzoan. 1391koa da baserriaren lehen aipamena. Pero Ugarte bizi zen hantxe. Baserri ikusgarria da, XVII. mendeko jauretxea. Oñatiko Protokolo Artxiboko dokumentuen arabera, XVII. mendean bi Ugarte zeuden, Ugarte-Zaharra eta Ugarte-Jauregia, eta baita errota bat ere, gero Txanbolin baserri bezala ezagutu zutena. Armarría ere badu, bi otso zuhaitz baten gainean zutik azaltzen dira bertan. Hiru etxebizitzako baserria da, eta honakoak bizi dira: baten, Isidro, Jose eta Remigio Zabaleta; beste baten, Lierni Legorburu eta Oier Bideluze; hirugarrenenak, azkenik, Peio Legorburu, Mari Beni Larrea eta Maialen eta Onintza Legorburu. /IÑIGO RAMÍREZ DE OKARIZ

HERRITARREN HITZA/ Iñigo Ramirez de Okariz · Irakaslea

Igeldon ere gaztelera

Sarritan entzun behar izan dugu Euskadiko Erkidegoan ofizialak diren gaztelania eta euskara erabileraren inguruan eztabaidak, batez ere euskararik jakin ez eta han eta hemen baztertuta sentitu izan direlako.

Aspaldian Igeldora joan barik geundenez, Domu Santuko asteburu luzean, guraso eta seme-alabok haraxe joan ginen. Hala ere, eguraldi zoragarri hartan berehala hodeiak sumatu nituen, Aquariumera sartu eta sarreran zegoen neska polit batek lehen hitza gaztelaniaz eman zigun-eta.

Arratsaldean, Igeldora joateko funikularra hartu, eta bidean gaztelania bakarrik entzun genuen, baita gurasoek seme-alabei ere.

Goian, Suitzar mendirako sarrerak hartzerá joan nintzen; euskaraz egin orduko, “¿Qué me has perdido?” erantzunarekin saltzaileak lur jota utzi ninduen.

Beste zerbitzu bat, eta beste



“Umeek inpresioa dute Antzuolarako bakarrik balio duela euskarak”

bat... dena gaztelaniaz. Are gehiago, ur gainean ibiltzen diren untzitxoeren sarreran ere, “Prohibido sacar las manos” iragarkia, besterik ez. Jakina, gurasoei begira, umeek ikastolan ez dutenez gaztelaniaz ganoraz ikasten!

Okerrena izan zen, ez dakit lotsaz edo etsipenez, handik aurrera nik ere gaztelaniaz egiten nuela. Norbaitek esan zuen

Donostian zerbitzu arloan euskaraz egitea bezeroak galtzea zela. Egia esanda, niri behintzat, gaztelania hutsean egin didatelako gogoa joan zait Donostiako hainbat zerbitzu erabiltzeko. Eta okerrago dena, gure seme-alabek inpresioa dute euskarak Antzuolan bakarrik hitz egiteko balio duela. Beraz, Erkidegoan bermatzen den hizkuntza bakarra gaztelania da.

Eta errudunak ez dira politikoen artean aurkitu behar, nahiz eta sarritan ematen diguten irudia onena ez izan. Beraz, nor baztertuta?

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegoi 21, ANTZUOLA Tel.: 943 76 64 23

Igor eta Txomin



Margoak
orokorrean

ANTZUOLA 609 157 131 BERGARA 609 150 164



Juan Cruz

ARGAZKIAK

Ezkontza erreportaiak
Jaunartze erreportaiak
Momentuko argazkiak

BITXITEGIA

Marrokineria
Erlojuak, Bitxiak
Opari gaiak

Herriko plaza. = 943 78 70 66. ANTZUOLA